

Home > BERTRAN DE BORN > EDIZIONE > Razos > Un sirventes que motz > Tradizione manoscritta > Canzoniere K > Edizione diplomatica

Edizione diplomatica

166v	
	Aquesta es la razos daquest siruentes. BEtrants de born si com eu uos aidich en las autras razos si auia un fraire qe auia nom costantin de born. esi era bons cauallier darmas. mas no(n) era hom que sen trameses molt de ualor ni donor. mas totas sazos uolia mal an bertran. Esil tolç unauetz lo castel dautafort quera damdos comunalmen. enbertrans sil recobret esil casset de tot lo poder et aquel si sen anet al uescomte de lemogas quel degues mantener contra son fraire et lo mantenc. el reis richartz lo mantenia contran bertran. enrichartz si gerreiaua ab naimar lo uesco(m)te de lemoges. en richart enaimar si guerreiauaon ab en bertran eil fondian la soa terra elail ardiàn. Bertrans si auia faich iurar lo uescomte de lemozin. el comte de peiregors que auia no(m) talairan al cal richartz auia tota la ciutat de peiregors. enoil en fazia negun dan car el era flacs euils enuaillos. enrichartz si auia tot gordon an Guillem de gordon. et auia promes de iurar ab lo uescomte et ab enbertran de born. et ab los autres baros de peiregors edelemozin. ede caercin. los quals enrichartz deseretaua. Don bertrans lo repres fort efetz de totas aquestas razos aquest siruentes que dis. Un siruentes que mot no(n) faill. ai faich canç no(m) costet un aill.

- letto 335 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2828>